


ALRAAGUTAMAAT UNIPKAANGA ATANGUYAQ NIRUAQTULIQIYINI
2018-2019




Titigatauyut by Nunavunmi Niruaqtuliriyitkut ©2019

Ilitturiyumirumaguvit turarvigilugu Nunavunmi Niruaqtuliriyitkut adjianikluuniit unipkaap piumaguvit Nunavumi atuqtauyukkut
uqauhikkut, havayarlugit Nunavunmi Niruaqtuliriyitkut:

Nunavunmi Niruaqtuliriyitkut Box 39
41 Sivulliq Ave. Kangiqhiniq, NU X0C 0G0

 800.267.4394

 800.269.1125

 www.elections.nu.ca

 info@elections.nu.ca

Tisampa 1, 2019

Upinnaqtuq Simeon Mikkungwak
Uqaqti Maligaliurvingmut
926 Federal Road
Iqaluit, NU
X0A 0H0

Uqaqtittiyii:

Malighugit pitquyauyut *Nunavunmi Niruaqtittinirmut Maligaryuakut* quviannaq tunigapkit ukiutamaat unipkaanganik Atanguyaq Niruaqtuliriyini 2018-2019-mut.

Titigaktuq,



Dustin J. Fredlund
Atanguyaq Niruaqtuliriyini

Pidjutai

Hamna alraagutamaat unipkaa pidjutiqaqtuq qanuriliurningit Havagvia Atanguyaq Niruaqtuliyini 2018-2019-mut ukiuriyayumut. Hapkua ublunit Nunavunmi Niruaqtuliyitkut aulapqailauqtut pingahunik nunalingmit apiqhuutit niruaqtittinirnit malikhugit Imngit Maligaryuaq, ahimut qauyimayaukhaittuliqiblulik unalu munarqhiniq ilitturutinik naunaiyainirnit unalu adjigiingittut tuhaqtittinirnut havagait iniqtiritillugit 2019 nunalingmit tamainnut niruaqtittinirmut.

Qanuriliurniit 2018-2019

Tamaita Inungnit Ilautittiniq

Nunavunmi Niruaqtuliriyitkut piyakhaliit udjiriyautillugu Niruaqtulirniq, ikayuqturlugit Nunavunmiutait ilautillugit qauiniarlutik qanurinnia Niruaqtittiniit unalu apirhuutit mighaanut Niruaqtittiniit.

Nunavunmi Niruaqtuliriyitkut atuqtaqtut adjigiingittunik ilautinnahuaqhugit tamaita inuit, qaritauyakkut inungnut turaaqhimayukkut, tuhagakhaqarvikkut titiqhimayukkut unalu naalautikkut, ublumiuyuq qaritauyakkut takuyauvvikkut, unalu naunaqhijjutit *gazette*-kut.

2018 Nunavunmi Makkutut Maligaliurvingmit

Atanguyaq Niruaqtuliyitkut ilaulauqtuq tunihiblunilu 2018 Nunavunmi makkutut maligaliurvingmi kamayayuq Maligaliurvingmut.

Ilihaqtinik ilihaiyuq Nunavunmi Niruaqtuliyitkunniit qanuriliuqtukhauyut mighaanut ilautillugit niruaqtauhimayut nunaptingnit unalu ukiuqtaqtumi kavamauyunit.

2019 Haamatkunnut Tamainnut Niruaqtittiniq

Ukiurmi, Nunavunmi Niruaqtuliyitkut adjigiingittunik tuhaqtittidjutiqalauqtut nuutauninga nunalingmit niruaqtittiniit *Nunalingmit Ataniuyut Niruaqtittinirnut Maligaryuarmit Nunavunmi Niruaraniq Maligaryuarmut*. April 1, 2019-mi atulirniaqtuq hivulliqpaangulunilu nunalingmi Tamainut Niruaqtittiniq Aktup 28, 2019-miuniaqtuhuni.

Tuhaqtidjutauyunit ilauyut qaritauyakkut inungnut atuqtauyut unalu qaritauyakkut takuyauvvikkut, unalu nutaanik tuyuittarngnikkut haamatkunnut unalu Iliharvingnut Katimayialaanut.

Titigait titirviit unalu Maliguagait

Ilainit maligaqarmat adjigilimaittaa Maligaliuqtinik niruaqtittinirnut, tamait titirviit atuqtauyukhait haamatkunnut niruaqtittinirnut pivalliyayuyukhauyut.



Qilamik qauyiniarluni adjigiingitut titirvingnit unalu maliguaganik atuqtauyukhanik haamatkut niruaqtittiniinut, kalangata Nunavunmi Niruaqtuliyitkut naunaipkuta qilamik ahidjirniaqtuq blue-mut. Ikayuiyuq ihauqtunik

Inuliqiniq Havaktikhanik

Haamatkuuyut unalu iliharvingmut katimayiralaat (DEA) tikkuqhuyukhauyut Utigtittiyimik ahiiniglu niruaqtuliyinirnut havaktinik. Haamatkut unalu DEA ingmik angirutirungnaqtut Utigtittiyiqarniarlutik atauhirmik unalu niruarvikhanik.

Ukiungutillugu, Nunavunmi Niruaqtuliyitkut ilautittilauqtut haamatkunnut DEA-niglu upalungaiplutik aatqigugillu nunalingmit atuqtauyukhait niruaqtittinirmit. Havagiyauyuq pimmarubluni, Kanataup kavakkungit niruaqtittiniqatukhaungmata qanitaani.

Ayuiqhaniq

Nunavunmi Niruaqtuliyitku talvauqatigilugit ayuiqhainiaqtut Utiqtittiyimik niruaqtittinirmut. Nunavunmi Niruaqtuliyitkut ayuiqhainirmut upalungaiyahimayut niruaqtuliyinirmut havaktiit qauyimayukhaungmata ahidjiqtunik aulapqailuni niruaqtittinirmik. Tukihinaqtunik uqauhikkut ayuiqhanirmut titigait aatqiktauhimayut havaktiit tukihiaqublugit ayuiqhayauniani, unalu atulittiaqublugu ayuiqhainiq havagaanut.

Qaritauyakkut Takuyauvvik

Qaritauyakkut takukhauningat Nunavunmi Niruaqtuliyitkut ikpingnaqtuuyuq ilittirutinut atuqtauykhat niruaqtinut, niruagakhanut, unalu tuhagakhaliqiyinut. Angiyumik havayaqalauqtut qaritauyatkat takuyauvvingmit ilautillugit haamalatkunnut niruaqtittinirmut ilitturutiit ihuaqhinikkut.

Ahimut Qauyimayuyukhaittunik Aulapqainiq

Qauyimayugut ukpiruhungningit qauyimaniiu niruaqtiit angiyumik aturmata qanurliqqaaq ingmimut ilitturutingit kamagiyauttarninginnik.

Nunavunmi Niruaqtuliyitkut atanguqtuutiqaqtut malighugit Nunavunmi Niruarniq Maligaryuaq pilutik, tutquumalugit unalu aturlugit ilitturutiit piyayut niruaqtinut niruaqtittiniqarniaqhutik unalu apirhuutit mighaanut niruaqtittinirmut.

Tamainut inungnut timiuyut hapkuatutu Nunavunmi Niruaqtuliyitkut atanguqtuutiqaqtut tuyuiqulugit inuit ingmingnut ilitturutiit, maligalirinikkut unalu pittiaqtukkut piyukhautiqaqtut aulapqailugit ilitturutiit.

Nunavunmi Niruaqtuliyitku ilautittihimayut ikayuidjutai British Colombia Niruaqtuliyikkut ahimut qauyimayuyukhaittuliqiyingit ikayuqhuni pilluriktumik ahimut qauyimayuyukhaittumik aulapqaiyumik. February 2019-mi, ahimut qauyimayuyukhaittuliqiyi Nunavunmi Niruaqtuliyitkut havagvianiilauqtuq ikayuqhuni havagauyunit.

Naittut Pitquyayut Ahimut Qauyimayuyukhaittuliqinirmut

- Havayarlugit, atulirulgit unalu titirmuarlugit qalliriit ahimut qauyimayuyukhaittuliqiniq;
- Havayaqarluni Atanguyaq Niruaqtuliyini Atanguyaq Ahimut Qauyimayuyukhaittuliqinirmut kamalugit piyakhautqarulunil ahimut qauyimayuyukhaittuliqinirnit;
- Ilaulugit tamaita titirviit inungmit tunihiyukhait ingmik ilitturutinik humut atuqtauyukhauningit ilitturutiit;
- Piyakhaqaqtikkannirugit tuniyaugutik niruagakhanut niruaqtiit atingit titiqhimayut;
- Havaktiluktaat unalu kaanturaakliit qauyimatillugit maliguaqtillugillu ahimut qauyimayuyukhaittunik; unalu
- Qaritauyatkat tutquumayauningit amiqhigiakkannirugit hapumminiarlugit ilitturutiit qaritauyakkut.

Ingmit Mighaanut Apiqhuutinut Niruqtittiniit

KUGLUKTUK

Aktupa 22, 2018-mi, Kugluktuk-miut nirualauqtut apirhuutimut,

“Angiqhimavit pitquhiyuuq imirlugmut maliktauyuuq aalangurpat akmaumalirluni humutuinaq tikihiyutaunia, Imirlugmut maliktauyuuq kihimi maliktauliqtillugu?”

462 niruaqtiit niruaqtut 67.7% niruaruaqtuqhutik. Qanurinniit hapkua:

HII: 281 (60.8% tamaita niruarutauyut)

IMANAQ: 181 (39.2% tamaita niruarutauyut)

60% ikayurami HII-mik tikittukhaq avatquumangmat, ingminut kigligiyayuuq ungavaqtau yu unalu Ingmit Mighaanut Katimayiralaat hutairutiyut.

Nunavunmi Niruaqtuliqiyitkut aulapkaittaqtut ingmit mighaanut apiqhuutinut niruatittinirnit pidjutiblugin Maniliqiyitkut, Ingminik Aulapqaiyitkungit. Nunalingmit ingmit mighaanut niruaruutit aulapkaqtavaktut maliguaqhugit *Nunalingmit Atanguyayut Niruqtittinirnut Maligaryuaq*. Ahidjirniarluni, 60%-nguyut tamaita kititauyut niruarutiit ikayuqtukhauyut maligannuquyayunit.

SANIKILUAQ

February 4, 2019-mi, Sanikiluaq-miut nirualauqtut apirhuutimut,

“Angiqhimavit atqiumayuuq ingmitaquiringittuq ahianik pilutik Sanikiluaq-mi unalu ilainit Belcher Islands kigliqaqtumit atqiumayumik? Ilauluni ingminut maliganut Nunavunmi, kigliqaqtuq qaffinut atqiumayuuq kigliqaqhuni ingminik niuvirluni inuk niuvirluni tiktittiluniluunniit nunalingmut 14 ublut tikitamaat hapkuanut

(a) atauhiq litre ingmit;

(b) hitamat litres wine; unalu

(c) 18 litres beer-nik.”

358 niruaqtiit niruaqtut 74% niruaruaqtuqhutik. Qanurinniit hapkua:

HII: 134 (37% tamaita niruarutauyut)

IMANAQ: 224 (63% tamaita niruarutauyut)

60% ikayurami HII-mik tikittukharmuangimmat, ingminik pitaqtailiyut atuqtukhaunginnaqtuq Sanikiluaq-mi.

KUGAARUK

February 25, 2019, Kugaaruk-miut nirualauqtut apirhuutimut,

“Angiqhimavit atqiumayuuq ingmitaquiringittuq ahianik pilutik Kugaaruk-mi pilutik atqiumayumik kigliqaqtuni beer-nik wine-lu unalu ayurlutik ingmiits? Ilauluni ingminut maliganut Nunavunmi, atqiumayuuq imailuni

(a) pihimalimaittut, niuvilimaittut tikittitlitgluunniit ingminik nunalingmut; unalu

(b) kigliqarlugin beer-lu wine-lu inuk niuvirniagaa tikitinniagaaluunniit nunaling 7 ubluit tikitamaat hapkuanut

(i) hitamat litres wine-nik unalu

(ii) 9 litres beer-nik.

259 niruaqtiit niruaqtut 73% niruaruaqtuqhutik. Qanurinniit hapkua:

HII: 135 (46% tamaita niruarutauyut)

IMANAQ: 160 (54% tamaita niruarutauyut)

60% ikayurami HII-mik tikittukharmuangimmat, ingminik pitaqtailiyut atuqtukhaunginnaqtuq Kugaaruk-mi.

Havayaqatigiyaayut Ahingit Havayaqtiit

Iliharviliqiyit

Iliharviliqiyit havayaqatiqaqhimayut Nunavunmi Niruaqtuliyitkunnit atuagaliuqhutik unalu atuqtauyukhanik Iliharvingnut Katimayiralaat Niruaqtittiniinut.

Nunalingmit unalu Kavamatkunnut Ikayuqtaqtut

Nunalingmit unalu Kavamatkunnut Ikayuqtaqtut havayaqahimayut Nunavunmi Niruaqtuliyitkunnit atuagaliuqhutik unalu atuqtauyukhanik Haamatkut Niruaqtittiniinut.

Maniliqiyitkut

Nunavunmi Niruaqtuliyitkut aulapqahimayut pingahunik ingmit mighaanut apirhuutinut niruaqtittinirnit pidjutiblugit Maniliqiyitkut. Atanguyaq Niruaqtuliyini nunalingmit katimayunihimayut havaktinit ilagiyabluni tamaita pingahut ingmit mighaanut apirhuutinut niruaqtittinirnut.

Apirhuiyuliyitkut

Nunavunmi Niruarniq Maligaryuaq ilauntittiniaqhunit apirhuiyiralaamik kitittiffaarniaqtumik haamatkunnut niruaqtittinirnut. Apirhuiyuliyitkut havayaqatiqaqtut kamalugit nunalingmit apirhuiyiralaat qauyimatillugit ikpingnaqtumik havayangannik haamatkut niruaqtittiningannit.

BC Niruaqtuliyitkut

Atanguyaq Ahimut Qauyimayayukhaittuliqinirmut BC Niruaqtuliyinut ikayulauqtuq Nunavunmi Niruaqtuliyitkunnit ahimut qauyimayayukhaittulirinirmik aulapkailuni atqiumayumik.

Kanatami Niruaqtuliyitkut - ACEP

Atanguyaq Niruaqtuliyini Uqaudjiyit Katimayiralaatkut Niruaqtulirinirmut Havayaqatigiitkat katimaniiniilauqtuq, kamayaubluni Kanatami Niruaqtuliyinut. Katimaniq tamainnut Kavamatuqatkunnut/Kanataup Aviktuqhimayungit/Ukiuqtaqtumi Atanguyaq Niruaqtuliyiyuyut uqaqatigiilauqtut pittaulaat atuqtauvaktut mighaanut illitturutinigtuyuqattautinirmik niruaqtuliyinirmik aulapqainirmut Kanatamit.

Havayaqti Nunavunmi Niruaqtuliyitkunnut ilaulauqtuq avikhimayumit ilihaqtauyunit Kanatami Niruaqtuliyinut iniqtiqtauninganut 2019 kavamatuqatkut niruaqtittiningat.

Aafisia Niruarnirmut Havaqatigiit

Atanguyaq Niruaqtuliyini ilagiyayuyut kanatamut aafisia uqaudjiyit katimayiralaanut. Tamainut havagakhaat aafisiup havayarlugit tunihiqattautiniq illitturutinik unalu pittaulaat atuqtauvaktut iniuyunut ikayurlutiglu nutaat niruarnirnut.

Nunavunmi Niruaqtuliyitkut ahiinit aulapkaittaqtut Kanatami ilagiyayuyut maniqatqihugu Aafisi.

CSEOT

Nunavunmi Niruaqtuliyitkut havaktingit ilahaqtauyunit ilaulauqtut kamayauyuq Kanatami Katudjiqatigiit Niruaqtuliyinirmut Havaktit Ilihaqtauningit-kunnut.

CERL



Nunavunmi Niruaqtuliyitkut ikayuiningat kayuhiyu manikkut tamainnut atuqtauyuuq niruaqtuliyinirmut ilitturutinut kamayauyuq Manitoba

Niruaqtuliyitkunnut. Kanatami Niruaqtuliyinirmut Aulapkainirmi Timiit tunihittaqtut ilitturutinik unalu atuqtauttagtut tahamani.

Nunavunmi Niruaqtuliyitkut maniqatittitaqtut ikayuqhutiglu aulapqaqtauniarluni niruaqtuliyinirmut qaritauyakkut tutquqhivik.

CCEO

Atanguyaq Niruaqtuliyini alraagutamaaqhiutingannit Kanatami Niruaqtuliyinirmut Havaktiit katimaninginnilauqtuq Saint John's NFLD-mi.

Inuit Mighaanut Qaffiuyuliriyiit



Inuit Mighaanut Qaffiuyuliriyiit ilitturutinik Nunavunmi Niruaqtuliyitkunnut tunihittaqtut niruaqtiit hutairutiyunut uvvaluunniit

Nunavunmi aullaqtunit. Ilitturutiit ikayuqtauyut tamainnut *Inuit Mighaanut Qaffiuyulirinirmut Maligaryuarmut* unalu

angiqatigiigutikkut Munaqhiliriyitkut unalu Nunavunmi Niruaqtuliyitku.

Nunavunmi Katudjiqatigiit Haamalanut

Atanguyaq Niruaqtuliyini NAM/NAMA-kut Ukiutamaat Katimaniinit tuyuqhugit ilitturutinik Haamalatkut Atanguyainut unalu miiyanut pidjutlik 2019 haamalatkunnut niruaqtittinirnut.

Katudjiqatigiit Nunavunmi DEA

Atanguyaq Niruaqtuliyini CNDEA-kut Ukiutamaat katimaniinit tuyuqhugit ilitturutinik katimayuniqtunut 2019 nunalingmit niruaqtittinirnut.

Kanataup Avikhimayunit Niruaqtittinirmut Pularaqtinut Turaangayut

Atanguyaq Niruaqtuliyini ilaulauqtuq pulaaqtinut turaangayuuq havayariyauyuq Kupaikmi Niruaqtuliyininut 2018 Kupaikmi Avikhimayumi niruaqtittinirmi.

Atanguyaq Niruaqtuliyini ilaublunilu pularaqtit turaangayurmi havayariyauyuq BC Niruaqtuliyininut 2018 atqikhinirmut niruaqtittinirmi.

Malruk Nunavunmi Niruaqtuliyitkut havaktingit ilaulauqtut pularaqtit turaangayurmi havayariyauyuq Ontario Niruaqtuliyininut avikhimayumi niruaqtittiningannut.

Upalungaqhimayut Qanuriliurniit 2019-2020

Aktupa 28, 2019 Nunalingnit Tamainnut Niruaqtittiniq

April 1, 2019-mi, *Nunalingmit Atanguyayut Niruaqtittinirnut Maligaryuaq* ungavaqtauniaqtuq unalu nunalingmit niruaqtittiniit adjikutaqaalirlutik *Nunavunmi Niruarniq Maligaryuarmit*. Ahidjiqtumut, Nunavunmi Niruaqtuliyitkut havayakhaqarniaqtut kamalugit ilayayut 77 adjigiilimaittut niruaqtittinirnit Nunavunmi, 410 innukhimalaittunik innukhilutik hivulliq Nunalingnit Tamainnut Niruaqtittinirmit.

Niruaqtittinirnit ilauyut 25 miiyait, 198 haamatkunnut katimayiit unalu 187 Iliharviit Katimayinut. Hamani ilauyut 5 katimayiit *commission scolaire francophone du Nunavut*.

Niruaqtittiffaarniit

Maliguaqhugu *Nunavunmi Niruarniq Maligaryuaq*, niruaqtittiffaarniqaqtatut Maligaliuqtinut unalu miiyanut. Nunavunmi Niruaqtuliyitkut upalukhimaannaqtukhayut aulapkainiarlutik niruaqtittiffaarnirnit.

Apirhuutit Mighaanut Niruaqtittiniit

Nunavunmi Niruaqtuliyitkut upalungaiqhimaniaqtut aulapkainiarlutik apirhuutit mighaanut niruaqtittinirnit maliguarlugit *Apirhuutit Mighaanut Niruarniq Maligaryuaq* unalu nunalingmit *Ingmit Mighaanut Maligaryuaq*.

Maliganut Pitquyayuyut

Havayarvia Atanguyaq Niruaqtuliyiyini tunihiniaqtuq pitquyiniuyunik unipkaamit aulapqainiq tallimaanit tamainnut niruaqtittinirmit, hamanilu 2017-2018 ukiutamaat unipkaamit.

Ilanga A Maniktuutimut Unipkaa

Aafisinga Atanguyaq Niruaqtuliyini
Maniktuutimut Unipkaa ublunut nunnguanut March 31, 2019
 Ukiuq 2018-2019



ᓄᓇᓂᓴᓯ ᓯᓕᓕᓕᓂᓂᓂᓂᓂᓂᓂᓂᓂ
 Nunavut Maligaliurvia
 Legislative Assembly of Nunavut
 Assemblée législative du Nunavut

Humut	Maniktuuti	Atuqhimayut	Amiatkut
Havainnaqtunut Manikhaat	635,000	726,900	(91,900)
Havaktitaukaffuktut Manikhaat	0	90,600	(90,600)
ATAUTTIMUT MANIKHAIT	635,000	817,500	(182,500)
Tingminiq Ingilranirlu	80,000	63,200	16,800
Tamayat Hunavaluillu	75,000	3,700	71,300
Niuvirhimayut Pivikhanit	80,000	53,500	26,500
Iglup Piquitiat	0	0	0
Kantraliriniq	270,000	298,200	(28,200)
Akiligakhat Akilgallu	40,000	13,900	26,100
Ahiit Atuqhimayut	77,000	200	76,800
Pigiyauyut	0	0	0
Qaritauyanut Aulatjutainnullu	27,000	51,700	(24,700)
ATAUTTIMUT AHIIT ATUQHIMAYUT	624,000	484,400	164,600
Atauttimut Maniktuut	1,284,000	1,301,900	(17,900)

